

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

Paragraphvs I. De postulationis natura, divisione, causa, & effectu.

[urn:nbn:de:hbz:466:1-74485](#)

SECTIO SECUNDA.

DE PROVISIONE ET RECEPTIONE BENE-
ficiorum per postulationem, electionem, confirmationem.

CAPUT PRIMUM.

DE POSTULATIONE.

PARAGRAPHVS I.

De postulationis natura, divi- sione, causa & effectu.

Quæstio 198. Quid sit, seu qualiter definienda postulatio proprie ac stricte accepta, & pro ut ab electione & nominatione distinguitur?



1. **R**espondeo est petitio Capituli seu collegii, quæ illud à Superiori petit, ut persona, quæ propter impedimentum canonicum ad prælaturam vel dignitatem eligi non poterat, ad eandem dispensativè ab eodem admittatur. Azor. inst. mor. p. 2. l. 6. c. 17. q. 2. ex Abb. in rubr. de postul. n. 1. declarationem hujus definitionis dabunt sequentia.

Quæstio 199. An, & in quo potissimum dif-
ferat postulatio ab electione?

1. **R**espondeo primò inter postulationem & elec-
tionem prælatorum antiquitus parva erat
distincio, postulationis & electionis vocabulis indiffe-
renter usurpari solitis, ut ex c. litteras. d. 63. adver-
tent gl. in c. unic. de postul. in 6. V. eligo postulatum. Pass.
de elect. c. 24. num. 1. Et adhuc quandoque postulatio
amplè accepta cum electione confunditur. Azor.
loc. cit. q. 1. de cetero, hodiecum valde distinguuntur,
& ut Laym. in c. unic. de postul. in 6. n. 1. inter se ad-
versantur, & quodammodo opposita sunt; cum im-
portent substantialiter diversas formas providen-
ti Ecclesiis viduatis, ut constat ex titulis de postu-
latione & elect. distinctis, introductaque sit postulatio
in subtilium electionis, ut persona, quæ pro-
pter inhabilitatem aliquam eligi non queunt, me-
diā postulatione dispensativè promoveantur.
Laym. in praemb. ad tit. de postul.

2. Respondeo secundò: differentiam præcipue in
eo esse, quod electio innaturatur iuri, postulatio gra-
tia. Pass. Azor. Laym. ll. cit. cum gl. cit. in hoc sensu,
quod per postulationem quis præsentetur, ut ex
gratia illum admittere velit & instituere; per elec-
tionem vero canonicam vocetur quis ad prælaturam,
ita ut Superior electionem confirmare debeat.
Laym. loc. cit. electio enim legitima acceptata ab e-
lecto conferit ei jus ad prælaturam, ita ut sine injuria

à Superiori, cuius est eum instituere aut confirmare, rejici nequeat, si de cetero dignus sit. Pass. loc. cit.
Laym. loc. cit. & in qq. canon. de elect. q. 1. cum com-
muni. Unde & competit ei actio, quæ est jus pe-
rendi id, quod ex iustitia alicui debetur. Pith. ad tit.
de postul. num. 2. Econtra postulatio postulato ante
admissionem jus nullum tribuit; cum summo jure
possit rejici. Pith. Pass. Azor. ll. cit. Laym. in c. nihil.
de elect. n. 8. Tond. qq. benef. p. 2. c. 4. §. 6. n. 9. Card. de
Luc. de Regul. d. 13. n. 9. Unde etiam solum rogare
potest, seu implorare officium judicis, ut ex gratia
secundum æquitatem canonicanam ad prælaturam
admittatur, dum legitimè postulatus fuit. Laym.
loc. ult. cit. atque hinc electio à superiori confirma-
ri, postulatio admitti solum dicitur, e. scriptum, de-
lett. Laym. loc. cit.

3. Porro fundatur hac differentia in eo, quod ea
electus nullum habeat impedimentum, ut sit Præla-
tus talis Ecclesia viduata; adeoque in ordine ad
hoc non egat dispensatione; postulatus vero hac
egat; quia habet impedimentum. Quod ipsum,
nempe electum à se non habere defectum seu impe-
dimentum, profitentur eligentes; contrarium, nem-
pe postulatum labore defectu, profitentibus po-
stulantibus. Laym. ad c. unic. de postul. in 6. n. 1. Unde
etiam tam eligentes, quæ electus absolute conser-
tire possint, ut electus sit sponsus Ecclesie. Pass. loc.
cit. n. 2. dum è contra in hoc consentire non nisi sub
conditione obtinendæ dispensationis possit postul-
atus; non secus, ac habens impedimentum contra-
hendi matrimonium dispensabile, absolute cele-
brare nequit sponsalia, sed solum sub conditione
dispensationis. Laym. loc. cit.

4. De cetero electio & postulatio in jure æqua-
rantur tanquam tendentia ad unum finem. Laym.
in c. in causis. de elect. n. 5. Item quod ad jus suffragandi,
& ideo, quod uno statum, etiam censeretur de
altero. Laym. in c. bona. de postul. c. 3.

Quæstio 200. Qualiter postulatio differat à
nominatione?

1. **R**espondeo in hoc præcipue, quod postulatio,
uti & electio sicut de uno tantum, nominatio
vero de pluribus; dum nimis duo vel tres excel-
lentiores, qui sunt in aliquo Capitulo, nominantur
Papa, vel etiam alteri collatori, quandoque etiam
laico (licet enim nominatio talis facta à laico per a.
quod sicur. de elect. reprobetur, potest tamen id ex
speciali Papa privilegio competere laico Princi-
pi, ut in regno Granata duo nominantur Regi, quo-
rum

rum unum eligit & admittit ad prælaturam teste Covar. in 4. decretal. p. 2. c. 3. §. 3.) eique supplicatur, ut uni ex illis dignetur providere de prælatura vacante, quæ dicitur nominatio solennis; vel dum plures ante scrutinium proponuntur praeter ceteris eligibiles vel postulabiles, quæ est nominatio non solennis; quæ tamen nominatione non obstante, capitulares eligere possunt alium. Abb. Horst. in c. bona. de postul. Fagnan. ibidem. ubi & alias plures differentias assignat, quæ quia communes electioni, communius de iis cap. seq.

Questio 201. Quotuplex sit postulatio?

1. Respondeo omissis aliis postulationis divisionibus minus celebribus, puta, dum dividitur in eam, quæ fit seu fieri potest de jure; alia quæ non fit, nisi ex privilegio concessio. Pass. de electio. c. 24. n. 3. Item in sumptam communiter, quæ non est nisi petitio gratiae: & in sumptam juridicæ, quæ est petitio juridicæ porrecta alicui Prætori seu Superiori, quæ est divisio magis generica. Pass. loc. cit. his, inquam, omissis, celebrior est illa divisio postulationis, seu subdivisio illa postulationis juridicæ in solennem, & non solennem, seu simplicem. Pirrh. ad rit. de postulat. n. 3. Engels ibidem n. 8. & 9. Lott. l. 3. q. 17. n. 232. Pass. n. 4. Bald. in rubric. de postul. n. 3. Abb. in c. 1. de postul. n. 34. cum communis: prior est, quam jam ante definitivus: posterior est, quæ quis non postulatur directe in prælatum, sive quæ non petetur à Superiori, ut dispensando in aliquo ejus impedimento admittatur; sed quæ petitur vel aliquid præviuum electioni aut postulationi solenni, v. g. facultas eligendi vel postulandi à Superiori, ubi hæc antecedenter non habetur, vel petitur consensus illius, qui electionem vel postulationem impedit potest; ed quod interesse aliquod vel jus habeat circa personam eligendam vel postulandam. Pass. Pirrh. l. 1. tr. 4. atque ita postulatio perpetuò fit ex causa utilitas Ecclesiæ; puta, pro ejus tutela & defensione. Lott. l. 3. q. 17. n. 234. citans Abb. in c. bona. de postulatione. n. 12.

2. Proinde distinguntur hæc duæ postulations in hoc, quod per postulationem simplicem, seu non solennem postuleretur, solum directe sublatio impeditum, quod obstabat, ne quis liberè sit, seu promoveatur Prælatus, quo ablato, adhuc nihil factum, nisi qui erat impeditus, eligatur, vel solenoiter postuleretur: in postulatione vero solenni directe postular in prælatum is, qui nominatur; & hinc sufficit, ut postulatio admittatur, quæ admissa, jam eo ipso absque omni alio est prælatus. Pass. loc. cit. n. 4. Item in eo, quod postulatio solennis fieri nequeat, nisi apud eum, qui admittendo postulationem, postulatum dare potest in Prælatum: postulatio vero simplex fiat ad quemcumque habentem interesse, & potenterem impediens, ne postulatus liberè exerceat Prælaturam; ex hinc fieri etiam possit apud laicum, Pass. ibid. Item quod necesse non sit, ut postulatio non solennis fiat collegialiter, & cum aliqua forma solenni, sed sufficiat, ut fiat eo modo, quo tolli potest obstaculum, quod tolli desideratur; sufficit autem fieri, vel à toto collegio, vel ab aliquo extra-

nō; postulatio vero solennis fieri non possit nisi ab electoribus collegialiter congregatis, servatis legibus canonicis & statutis; ac denique in eo, quod postulatio simplex fieri possit, quando magis opportunum videbitur, vel ante vel post electionem, vel postulationem; cùm non sit provisio, per quam providerit Ecclesia viduata, sed ablato impedimenti: postulatio vero solennis fieri debeat intra tempus datum ad eligendum. Pass. loc. cit. & de hac postulatione solenni deinceps.

Questio 202. Quis sit finis & causa motiva postulationis solennis?

1. Respondeo ad primum: finis ei cum electione communis est provisio Ecclesia viduata. Pirrh. ad rit. de postul. n. 39.

2. Respondeo ad secundum: causa movens ad hunc modum providendi Ecclesia per postulationem, est necessitas, dum nimis non adest eligibilis idoneus; in subsidium enim electionis inducta est postulatio: vel utilitas, dum nimis, licet inventari eligibilis idoneus, sit tamen alius non eligibilis, qui ob morum vitæque integratatem, insigne doctrinam, magnumque rerum agendarum usum, &c. præ aliis Ecclesiæ profuturus judicatur. Pirrh. loc. cit. ex Daniel Venatore in Analyse. juris pontificis. l. 1. tr. 4. atque ita postulatio perpetuò fit ex causa utilitas Ecclesiæ; puta, pro ejus tutela & defensione. Lott. l. 3. q. 17. n. 234. citans Abb. in c. bona. de postulatione. n. 12.

Questio 203. Quisnam sit effectus postulationis?

1. Respondeo: postulationis simplicis effectus est, ut electus electionem acceptare, & jus sibi acquirere possit; vel etiam, si antequam eligetur, facta fuit hac postulatio, postulatus jam possit eligi ab solletere, hoc est, absque eo, quod electio amplius imbibat istam conditionem, si Superior licensitatem acceptandi dederit, utpote quæ jam purificata sit. Sylv. v. postulatio. q. 6.

2. Effectus postulationis solennis præcipuus est, quod admissa à Superiori idem jus tribuat, quod electione confirmata, ita ut postulatus electione vel confirmatione nullæ alia egeat, uti insuper adhuc ea vel postularione solenni admissa eger, qui ante electionem postulatus fuit postulatione non solenni. Abb. in c. 1. tr. 4. n. 34. Pass. loc. cit. n. 6. ubi: postulatio admissa habet vim electionis & confirmationis, & postulato dat jus, nemadum ad rem, sed in re, ac si esset electus & confirmatus, pro quo citat Barbos. ad c. postulationem, de postul. n. 3. Innoc. in c. 1. de postul. n. 1. Tabien. v. postulatio n. 5. &c. Azor. p. 2. l. 6. c. 17. q. 5. Lott. l. 3. q. 17. n. 232. & 233. ubi, dum agitur de solenni postulatione ad evitandos circuitus & dispendia Ecclesiæ, Papa per solam ejus admissionem censetur plenum jus conferre postulato; sapit enim talis admissio electionem & confirmationem. De cetero postulationem jus nullum, ne quidem ad prælaturam parere ante admissionem illius, jam satis dictum est ante citatis pluribus, ad quos accedit Lott. l. 3. q. 17. n. 222. cum gl. in c. unic. de postul. in 6. v. vera postulatio.

PARA-